



GRAD TUZLA

Na osnovu tačke VI Pravilnika o utvrđivanju uslova, kriterija i postupka dodjele nepovratnih sredstava za novčanu podršku privrednim subjektima na području grada Tuzle („Službeni glasnik Grada Tuzla“, broj: 2/19, 8/21 i 10/25), tačke 9. Programa utroška sredstava iz Budžeta Grada Tuzle za 2025. godinu namijenjenih za podršku privatnim preduzećima i poduzetnicima po Projektu „Siguran start“, broj: 04-11-A-14169/2025, od 5.9.2025. godine, Služba za ekonomski razvoj, poduzetništvo i poljoprivredu Grada Tuzle, dana 16.9.2025. godine, objavljuje:

JAVNI POZIV

za učešće u programu raspodjele sredstava iz Budžeta Grada Tuzle za 2025. godinu namijenjenih za podršku privatnim preduzećima i poduzetnicima po Projektu: “Siguran start”

I Predmet Javnog poziva

Ovaj Javni poziv namijenjen je samostalnim poduzetničkim djelatnostima registrovanim u Službi za ekonomski razvoj, poduzetništvo i poljoprivredu Grada Tuzle, u osnovnom zanimanju i privrednim društvima registrovanim na području grada Tuzle, ciljem prijave radi učešća u raspodjeli sredstava planiranih u Budžetu Grada Tuzle za 2025. godinu za podršku privatnim preduzećima i poduzetnicima.

U ovom Javnom pozivu, za raspodjelu sredstava po Projektu „Siguran start“, dostupne su dvije linije podrške i to:

1. Podrška za samostalne poduzetničke djelatnosti u osnovnom zanimanju registrovane u 2025. godini kod Službe za ekonomski razvoj, poduzetništvo i poljoprivredu i za privredna društva registrovana u 2025. godini na području grada Tuzle.
2. Podrška za samostalne poduzetničke djelatnosti u osnovnom zanimanju registrovane u 2024. godini kod Službe za ekonomski razvoj, poduzetništvo i poljoprivredu i za privredna društva registrovana u 2024. godini na području grada Tuzle.

II Oblici i iznos novčane podrške

Za raspodjelu putem ovog Javnog poziva u Budžetu Grada Tuzle za 2025. godinu planirana su sredstva u iznosu od 335.000,00 KM.

Sredstva iz prethodnog stava dodijelit će se korisnicima za sljedeće oblike podrške:

II -1. Oblici podrške na koje se mogu prijaviti subjekti registrovani u 2025. godini na području grada Tuzle:

- a) Refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika registrovane samostalne poduzetničke djelatnosti u 2025. godini, za period od registracije pa do 31.12.2025. godine.
(Za ovaj oblik podrške mogu se prijaviti samo registrovane samostalne poduzetničke djelatnosti)
- b) Sufinansiranje nabavke neophodne opreme i sredstava za rad registrovanog subjekta, u visini do 50% vrijednosti nabavljene opreme, za samostalnu poduzetničku djelatnost ili privredno društvo registrovano u 2025. godini. Nabavljena sredstva i oprema mora biti nova odnosno nekorištena.
- c) Sufinansiranje do 50% troškova zakupa poslovnog prostora u kojem subjekt obavlja registrovanu djelatnost, za period do 31.12.2025. godine, za samostalnu poduzetničku djelatnost ili privredno društvo registrovano u 2025. godini.
- d) Sufinansiranje/finansiranje troškova ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), za period do 31.12.2025. godine, za samostalnu poduzetničku djelatnost ili privredno društvo registrovano u 2025. godini.

Napomena: Zainteresirani aplikanti mogu se prijaviti za jedan ili više oblika podrške, navedenih u okviru gornje tačke II-1. (a-d) ovog Javnog poziva, s tim da **iznos obračunate podrške po jednom ili po više oblika za koju su se prijavili, ne može biti veći od 2.500,00 KM.**

Aplikantima koji ispunjavaju uslove ovog Javnog poziva utvrđeni iznos sredstava bit će dodatno uvećan ukoliko ispunjavaju sljedeće kriterije:

- e) Privatnim preduzećima i samostalnim poduzetničkim djelatnostima čiji vlasnik/direktor pripada kategoriji: mlade osobe u dobi od 18-35 godina, obračunati iznos podrške kao i prethodno navedeni maksimalni iznos ukupne podrške, uvećavaju se za 10%.
- f) Privatnim preduzećima i samostalnim poduzetničkim djelatnostima čiji je vlasnik/direktor iz kategorije: osobe ženskog spola, obračunati iznos podrške kao i prethodno navedeni maksimalni iznos ukupne podrške, uvećavaju se za 5%.
- g) Ukoliko subjekat pripada objema kategorijama korisnika navedenih u podtačkama e. i f, u okviru tačke II-1. ovog Javnog poziva, predviđena uvećanja iznosa podrške iz tačke e. i f, se sabiraju.

II-2. Oblici podrške na koje se mogu prijaviti subjekti registrovani u 2024. godini na području grada Tuzle:

- a) Refundiranje/finansiranje troškova obaveznih doprinosa za PiO i zdravstveno osiguranje i osiguranje od nezaposlenosti za vlasnika samostalne poduzetničke djelatnosti registrovane u 2024. godini, za obaveze u periodu od 1.1. do 31.12.2025. godine
(Za ovaj oblik podrške mogu se prijaviti samo registrovane samostalne poduzetničke djelatnosti)

- b) Sufinansiranje nabavke neophodne opreme i sredstava za rad subjekta, u visini do 50% vrijednosti nabavljene opreme, za samostalnu poduzetničku djelatnost ili privredno društvo registrovanou 2024. godini. Sredstva i oprema mora biti nova, odnosno nekorištena i nabavljena u 2025. godini.
- c) Sufinansiranje do 50% troškova zakupa poslovnog prostora u kojem subjekt obavlja registrovanu djelatnost, za obaveze u periodu od 1.1. do 31.12.2025. godine, za samostalnu poduzetničku djelatnost ili privredno društvo registrovano u 2024. godini.
- d) Sufinansiranje/finansiranje troškova ugovorenih poslovnih usluga (računovodstvenih, pravnih, usluga marketinga, informatičkih, finansijskih i sl.), za obaveze u periodu od 1.1.2025. do 31.12.2025. godine, za samostalnu poduzetničku djelatnost ili privredno društvo registrovano u 2024. godini.

Napomena: Zainteresirani aplikanti mogu se prijaviti za jedan ili više oblika podrške, navedenih u okviru gornje tačke II-2. (a-d) ovog Javnog poziva, s tim da **iznos obračunate podrške po jednom ili po više oblika za koju su se prijavili, ne može biti veći od 1.500,00 KM.**

Aplikantima koji ispunjavaju uslove ovog Javnog poziva, utvrđeni iznos sredstava bit će dodatno uvećan ukoliko ispunjavaju sljedeće kriterije:

- e) Privatnim preduzećima i samostalnim poduzetničkim djelatnostima čiji vlasnik/direktor pripada kategoriji: mlade osobe u dobi od 18-35 godina, obračunati iznos podrške kao i prethodno navedeni maksimalni iznos podrške za subjekte registrovane u 2024. godini, uvećavaju se za 10%.
- f) Privatnim preduzećima i samostalnim poduzetničkim djelatnostima čiji vlasnik/direktor pripada kategoriji: osobe ženskog spola, obračunati iznos podrške kao i prethodno navedeni maksimalni iznos podrške za subjekte registrovane u 2024. godini, uvećavaju se za 5%.
- g) Ukoliko subjekat pripada kategoriji korisnika navedenih u podtačkama e. i f, u okviru tačke II- 2. ovog Javnog poziva, predviđena uvećanja iznosa podrške iz tačke e. i f, se sabiraju.

III Pravo učešća

Pravo učešća u ovom Javnom pozivu za dodjelu sredstava na ime novčane podrške privatnim preduzećima i poduzetnicima, po Projektu “Siguran start”, mogu ostvariti samostalne poduzetničke djelatnosti u osnovnom zanimanju i privredna društva u privatnom vlasništvu, koji su:

- registrovali poslovnu djelatnost na području grada Tuzle u 2025. godini (novoregistrovani subjekti),
- registrovali poslovnu djelatnost na području grada Tuzle u 2024. godini.

Aplikanti iz prethodnog stava će biti isključeni iz učešća u ovom Javnom pozivu ili iz daljeg postupka dodjeljivanja sredstava na ime novčane podrške, ako su u trenutku raspisivanja ovog Javnog poziva:

- krivi za davanje lažnih informacija u prijavnom obrascu, koje su preduslov za učestvovanje u pozivu za novčanu podršku ili ako nisu dostavili potrebne informacije,
- imaju neizmirenih obaveza iz prethodno sklopljenih ugovora o odobravanju novčane

podrške iz sredstava Budžeta Grada Tuzle.

Za dodjelu novčane podrške putem ovog Javnog poziva ne mogu aplicirati subjekti koji imaju status javne ustanove ili javnog preduzeća, neprofitne organizacije ili drugi subjekti u vlasništvu bilo kojeg nivoa vlasti u Bosni i Hercegovini.

IV Način prijavljivanja

Prijave na ovaj Javni poziv podnose se na prijavnom obrascu koji je propisala Služba za ekonomski razvoj, poduzetništvo i poljoprivredu Grada Tuzle.

Prijavni obrazac sa izjavom, koji je u prilogu ovog Javnog poziva, može se preuzeti na zvaničnoj internet stranici Grada Tuzle (www.grad.tuzla.ba), te u Centru za pružanje usluga građanima (Pisarnici Grada Tuzle).

- **Uz popunjen Prijavni obrazac, aplikant je obavezan dostaviti sljedeću dokumentaciju:**
 1. Dokaz o registraciji firme na području grada Tuzle (kopija rješenja Službe za ekonomski razvoj, poduzetništvo i poljoprivredu za samostalne poduzetničke djelatnosti, a za privredna društva kopija rješenja o upisu u sudski registar),
 2. Dokaz o otvorenom računu u poslovnoj banci na koji će sredstva biti uplaćena (kopija),
 3. Uvjerjenje nadležne Porezne uprave Tuzla o izmirenim dospjelim poreznim obavezama, ne starije od 30 dana od dana podnošenja prijave na ovaj Javni poziv (original ili ovjerena kopija), ovo Uvjerjenje ne prilažu firme koje su početak rada prijavile kod nadležne Porezne uprave Tuzla najviše do 30 dana prije apliciranja na ovaj Javni poziv.
 4. **Izjava** fizičkog lica, vlasnika samostalne poduzetničke djelatnosti, odnosno **Izjava** odgovornog lica u pravnom licu, ovjerena u Centru za pružanje usluga građanima (Pisarnica Grada Tuzle) ili u nadležnom notarskom uredu, u kojoj će biti naznačeno:
 - da nije osuđivan i da se ne vodi postupak po osnovu privrednog kriminala fizičkog lica-vlasnika samostalne poduzetničke djelatnosti, odnosno odgovornog lica u pravnom licu,
 - da će sredstva utrošiti za namjenu za koju će biti odobrena,
 - da je saglasan da u slučaju nepoštivanja odredbi Pravilnika i Programa utroška sredstava, u narednih pet godina neće moći sudjelovati u bilo kojem programu podrške privrednim subjektima koji se realizuje iz Budžeta Grada Tuzle.Obrazac ove **Izjave** sastavni je dio Prijavnog obrasca i u prilogu je istog.
- Pored prethodno navedene dokumentacije aplikanti su dužni priložiti i dodatnu dokumentaciju kojom dokazuju osnov za dodjelu novčane podrške, za one oblike podrške za koje se prijavljuju putem ovog Javnog poziva. Dodatna dokumentacija bit će navedena u Prijavnom obrascu.

Napomena: Aplikanti kojima bude dodijeljena novčana podrška putem ovog Javnog poziva dužni su dostaviti dokaze kojim će pravdati utrošak dodijeljenih sredstava. Plaćanje obaveza po svim oblicima podrške za koje su dodijeljena sredstva putem ovog Javnog poziva, aplikanti

su dužni vršiti bezgotovinskim putem, odnosno putem žiro računa, a kao dokaz izvršenog plaćanja dužni su dostaviti izvod sa bankovnog računa, virmanski nalog, plaćeni račun ili fakturu sa fiskalnim računom, ugovore kojim je utvrđena obaveza kojom se pravda utrošak dodijeljenih sredstava putem ovog Javnog poziva, specifikacije uz isplatu plaća. Navedene obaveze aplikanta detaljnije će se regulisati ugovorom o dodjeli sredstava.

V Provjera aplikacija (prijava)

Postupak dodjele sredstava na ime novčane podrške privatnim preduzećima i poduzetnicima, putem ovog Javnog poziva provodi Komisija za ocjenu prijava (u daljem tekstu: Komisija), koju imenuje Pomoćnik Gradonačelnika za Službu za ekonomski razvoj, poduzetništvo i poljoprivredu Grada Tuzle. Komisiju čine predsjednik i dva člana. Komisija će sukcesivno nakon objave Javnog poziva vršiti pregled i ocjenu zaprimljenih prijava. Komisija zadržava pravo da u postupku odlučivanja od aplikanta traži dodatna pojašnjenja u vezi zaprimljene prijave na javni poziv, kao i da izvrši kontrolu na licu mjesta.

Po okončanju prijema prijava i postupka ocjenjivanja zaprimljenih prijava Komisija će sačiniti listu o odabiru korisnika sa iznosom odobrene novčane podrške.

Prilikom odobravanja pojedinačnog iznosa podrške po korisniku, ukoliko ukupan iznos odobrene podrške bude veći od iznosa planiranih sredstava Komisija će proporcionalno umanjiti pojedinačno odobrene iznose podrške svim korisnicima, u jednakom procentu, kako bi se uskladio iznos odobrene podrške sa iznosom raspoloživih sredstava za raspodjelu.

Lista o odabiru korisnika mora sadržavati subjekte koji su ispunili uslove javnog poziva sa predloženim iznosom sredstava, kao i subjekte koji nisu ispunili uslove javnog poziva sa naznakom koji uslov nije ispunjen. Lista o odabiru korisnika će se objaviti na zvaničnoj internet stranici Grada Tuzle (www.grad.tuzla.ba) i na oglasnoj ploči Grada Tuzle.

Nezadovoljni podnosioci prijava na ovaj Javni poziv mogu podnijeti prigovor na listu o odabiru korisnika u roku od pet dana od dana objave liste na zvaničnoj internet stranici Grada Tuzle. Prigovor razmatra drugostepena komisija koju će imenovati Pomoćnik gradonačelnika za Službu za ekonomski razvoj, poduzetništvo i poljoprivredu.

Po okončanju postupka po prigovoru, Komisija na zvaničnoj internet stranici Grada Tuzle objavljuje konačnu listu o odabiru korisnika, na koju više nije dozvoljeno podnošenje prigovora.

Komisija o svom radu sačinjava zapisnik i konačnu listu o odabiru korisnika sa predloženim iznosom novčane podrške dostavlja Službi za ekonomski razvoj, poduzetništvo i poljoprivredu Grada Tuzle.

Na osnovu izvještaja o radu Komisije i konačne liste o odabiru korisnika Služba za ekonomski razvoj, poduzetništvo i poljoprivredu će donijeti program raspodjele sredstava.

Program raspodjele sredstava će se objaviti na službenoj internet stranici Grada Tuzle (www.grad.tuzla.ba).

Detaljni uslovi korištenja sredstava na ime dodijeljene novčane podrške regulisat će se ugovorom koji će u ime Grada Tuzle sa odabranim korisnicima zaključiti Služba za ekonomski razvoj, poduzetništvo i poljoprivredu.

VI Trajanje javnog poziva i podnošenje aplikacija (prijava)

Javni poziv prvobitno je bio otvoren 21 dan od dana objave, tako da je zadnji rok za predaju prijave

bio dana 7.10.2025. godine. **Rok za predaju prijave je produžen tako da je novi rok za predaju prijave, ponedjeljak, 20.10.2025. godine.**

Prijave na ovaj Javni poziv sa pratećom dokumentacijom dostavljaju se u zatvorenoj koverti putem Centra za pružanje usluga građanima (Pisarnice Grada Tuzle) ili preporučeno poštom na adresu:

GRAD TUZLA
Služba za ekonomski razvoj, poduzetništvo i poljoprivredu
Ul. ZAVNOBIH-a broj 11, 75000 Tuzla

sa naznakom:

**Prijava za učešće u Programu raspodjele sredstava iz Budžeta Grada Tuzle za 2025. godinu
namijenjenih za podršku privatnim preduzećima i poduzetnicima
po Projektu “Siguran start”
- ne otvarati –**

Također, na prijavi (koverti), ispod prethodno navedenog teksta, obavezno treba navesti za koju liniju podrške se podnosi prijava:

- **za podršku novoregistrovanih subjekata koji su registrovani u 2025. godini na području grada Tuzle ili**
- **za podršku subjekata koji su registrovani u 2024. godini na području grada Tuzle.**

Nepotpune i neblagovremene prijave neće se uzeti u razmatranje.

Za sve dodatne informacije o načinu i postupku učešća u ovom Javnom pozivu možete se obratiti Službi za ekonomski razvoj, poduzetništvo i poljoprivredu Grada Tuzle, putem telefona: 035/307-383, 307-385 i 307-387.